

Վարչական տույժ նշանակելու մասին

«10» մարտի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ Նարեկ Սպարտակի Սարգսյանի վերաբերյալ նյութերը.

Պ Ա Ր Զ Ե Ց Ի

ՀՀ ՊԵԿ հետքացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 332-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են կամերալ մաքսային ստուգում «ԱԶՆԻ» ՍՊ ընկերությունում և հայտնաբերել, որ «ԱԶՆԻ» ՍՊ ընկերության անվամբ 14.02.2020թ. 05100030/140220/0000191, 07.09.2018թ. թիվ 05100030/070918/0002242, 25.01.2019թ. թիվ 05100030/250119/0000103, 21.03.2019թ. թիվ 05100030/210319/0000404 ապրանքների հայտարարագրերով ԵԱՏՄ ԱՏԳ ԱԱ 9018 39 000 00 և ԱՏԳ ԱԱ 9018 90 500 10 ծածկագրերով հայտարարագրված «Կատետր» և «Ինֆուզիոն լուծույթների ներարկման համակարգ» նկարագրությամբ ապրանքները հայտարարագրվել են ծածկագրի վերաբերյալ ոչ ճշգրիտ տեղեկություններով:

«ԱԶՆԻ» ՍՊ ընկերությունում իրականացված մաքսային ստուգման ընթացքում պարզվել է, որ նախկինում 14.02.2020թ. 05100030/140220/0000191 Ա/Հ-ի 5-րդ ապրանքային դիրքով և 25.09.2020թ. 05100030/250920/0001417 ապրանքների հայտարարագրի 3-րդ ապրանքային դիրքով չինական «ANHUI HONGYU WUZHOU IMPORT & EXPORT CO LTD» ընկերությունից ձեռք բերված «Ինֆուզիոն լուծույթների ներարկման համակարգ» նկարագրությամբ ապրանքները, որոնք հաշիվ ապրանքագրում ներկայացված են որպես «INFUSION SET» ապրանքներ հայտարարագրվել են ԵԱՏՄ ԱՏԳ ԱԱ 9018 90 500 10 ծածկագրով (մաքսատուրքի դրույքաչափը՝ 2018թ.-2%, 2019թ.-ից՝ 5%):

ԵՏՀ խորհրդի 16.07.2012 N54 որոշմամբ հաստատված հավելվածի համաձայն՝ ԵԱՏՄ ԱՏԳ ԱԱ 9018 90 500 1 ծածկագրով դասակարգվում են համակարգեր՝ արյան վերցման ու փոխներարկման, արյան փոխարինիչների և ինֆուզիոն լուծույթների համար, իսկ ԱՏԳ ԱԱ 9018 32 100 0 ծածկագրով դասակարգվում են մետաղյա խողովակաձև ասեղներ ապրանքատեսակները:

ՀՀ ՊԵԿ մաքսային հսկողության վարչության 03.02.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000011 և ԱԴՈ-21-000012 որոշումների համաձայն՝ վերը նշված հայտարարագրերով հայտարարագրված «Ինֆուզիոն լուծույթների ներարկման համակարգ» և «Կատետր» նկարագրությամբ ապրանքները ԵԱՏՄ ԱՏԳ ԱԱ ԵԱՏՄ ԱՏԳ ԱԱ 9018 39 000 0 ծածկագրի փոխարեն ենթակա են հայտարարագրման համապատասխանաբար՝ ԵԱՏՄ ԱՏԳ ԱԱ 9018 90 500 1 (մաքսատուրքի դրույքաչափը՝ 2018թ.-2%, 2019թ.-ից՝ 5%) և 9018 32 100 0 ծածկագրերով (մաքսատուրքի դրույքաչափը՝ 5%):

Իրականացված կամերալ մաքսային ստուգման արդյունքում 10.02.2021թ. կազմվել է թիվ 0004-Ա ակտը և «ԱԶՆԻ» ՍՊ ընկերությանն առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարց լուծարելու համար:

Նյութերի ուսումնասիրման արդյունքում պարզվել է, որ 07.09.2018թ. թիվ 05100030/070918/0002242, 25.01.2019թ. թիվ 05100030/250119/0000103, 21.03.2019թ. թիվ 05100030/210319/0000404 ապրանքների հայտարարագրերը ներկայացրել է Նարեկ Սպարտակի Սարգսյանը: 2021 թվականի փետրվարի 16-ին ՀՀ ՊԵԿ իրավաբանական վարչությունում Նարեկ Սպարտակի Սարգսյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Նարեկ Սպարտակի Սարգսյանը 02.03.2021 թվականին հրավիրվել է ՀՀ ՊԵԿ ԻՎ վարչական վարույթի մասնակցության, սակայն վերջինս չի ներկայացել:

14.01.2021թ. թիվ Դ/452-2021 գրությամբ «ԱԶՆԻ» ՍՊ ընկերության տնօրենը հայտնել է, որ ներմուծված երկու ապրանքները (infusion set, vein set) օգտագործվում են բժշկական նպատակով: Կատետորը միացվում է հիվանդի երակին ներարկումներ անելու համար, իսկ մյուս ապրանքը միանում է կատետորին և վերջինիս միջոցով կատարվում է ներարկում:

25.01.2021թ. թիվ Դ/1091-2021 գրությամբ «ԱԶՆԻ» ՍՊ ընկերության տնօրենը լրացուցիչ տեղեկացրել է, որ «infusion set» կամ «սիստեմայի շլանգ» ապրանքը կազմված է մետաղական ասեղից՝ պլաստմասե կափարիչով, ռետինե հատվածից՝ ասեղի և խողովակի միացման համար, ինչպես նաև թափանցիկ էլաստիկ խողովակից: Ունի նաև թափանցիկ ապակե հատված, որը խողովակով միացվում է դեղորայքին: Դեղորայքը ներարկվում է հիվանդին երակի միջոցով:

«Scalp vein set» կամ «բաբչկա» ապրանքը ունի մետաղական ասեղ կափարիչով, թիթեռնիկի նմանվող պլաստմասե հատված՝ ասեղի ավելի լավ ֆիկսացիայի համար, թափանցիկ էլաստիկ խողովակ, ներարկման համակարգին միանալու համար նախատեսված հատված: Scalp vein set միանում է ներարկման համակարգին, որի միջոցով դեղորայքը ներարկվում է հիվանդին երակի միջոցով:

Վարչական վարույթի ընթացքում 22.02.2021թ. թիվ 11/11-3/9402-2021 գրությամբ հարցում է կատարվել «ԱԶՆԻ» ՍՊ ընկերության տնօրենին այն մասին, թե արդյո՞ք հայտարարագրման ընթացքում մաքսային ձևակերպումների մասնագետ հայտարարագրման ընթացքում մաքսային ձևակերպումների մասնագետներ Նարեկ Սարգսյանը և Դավիթ Հարությունյանը դիմել են «ԱԶՆԻ» ՍՊ ընկերությանը փաստաթղթերի կամ լրացուցիչ տեղեկությունների տրամադրման համար, միաժամանակ հայտնել ընկերության կողմից ներկայացված փաստաթղթերը բավարար էին ճշգրիտ հայտարարագրում կատարելու համար, ինչպես նաև 14.01.2021թ. թիվ Դ/452-2021 գրությամբ ՀՀ ՊԵԿ հետբացթողումային հսկողության վարչություն ներկայացրած տեղեկությունը ներմուծված ապրանքների օգտագործման մասին մաքսային ձևակերպումների մասնագետներին տրամադրվել է հայտարարագրման ժամանակ, թե՛ ոչ և արդյո՞ք վերջիններս հատկացված փաստաթղթերի ուսումնասիրման արդյունքում կարող էին պարզել ապրանքների նպատակային նշանակությունը և կիրառման վերաբերյալ տեղեկությունները, ինչպես նաև հնարավորության դեպքում տրամադրել պարզաբանում նշված ապրանքատեսակները հայտարարագրելիս ընկերության կողմից տրամադրված լրացուցիչ փաստաթղթերի և տեղեկությունների վերաբերյալ, սակայն վերջինս չի պատասխանել:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ: 35-րդ կետի համաձայն՝ մաքսային հայտարարագրումը մաքսային մարմնում մաքսային

հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի թիվս այլոց նշվում է անվանումը, նկարագրությանը, որն անհրաժեշտ է այն մաքսային վճարների, հատուկ, հակազնագցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողություն կամ անգործությունը, որն ուղղված է Հայաստանի Հանրապետության մաքսային օրենսդրության և մաքսային ոլորտին առնչվող Հայաստանի Հանրապետության միջազգային պայմանագրերի Հայաստանի Հանրապետության մաքսային սահմանով տեղափոխվող ապրանքների տրանսպորտային միջոցների մաքսային հսկողության և մաքսային ձևակերպման սահմանս կարգի դեմ, և որի համար սույն օրենսգրքով նախատեսված է պատասխանատվությամբ:

հիգիենական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ մաքսային ձևակերպումների մասնագետ Նարեկ Սպարտակի Սարգսյանը ապրանքների հայտարարագրին կից ներկայացված փաստաթղթերի ուսումնասիրությունից կարող էր պարզել, որ ներմուծված սարքավորումները, մասնավորապես «Ինֆուզիոն լուծույթների ներարկման համակարգ» ապրանքը հանդիսանում է ինֆուզիոն լուծույթների ներարկման համակարգ՝ բաղկացած փակվող պլաստամսե կափարիչով մետաղական ասեղից, ասեղը և խողովակը իրար միացնող ռետինե հատվածից, թափանցիկ էլաստիկ խողովակից, թափանցիկ ապակե հատվածից, իսկ «Կատետր» նկարագրությամբ ապրանքները նախատեսված են երակի պլոնկցիայի և ներարկման համակարգին միանալու համար:

Մաքսային ձևակերպումների մասնագետ Նարեկ Սպարտակի Սարգսյանը 2021 թվականի մարտի 10-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, վերջինս չի ներկայացել:

Այսպիսով, գործի նյութերով պարզվել է, որ «ԱՇՆԻ» ՍՊ ընկերության անվամբ ՀՀ ներմուծված և փաստացի ԵԱՏՄ ԱՏԳ ԱԱ 9018 90 500 1 և ԱՏԳ ԱԱ 9018 32 100 0 ծածկագրերով դասակարգվող «Ինֆուզիոն լուծույթների ներարկման համակարգ» և «Կատետր» նկարագրությամբ ապրանքները մաքսային ձևակերպումների մասնագետ Նարեկ Սպարտակի Սարգսյանը հայտարարագրել է ոչ ճշգրիտ ծածկագրով, ինչի հետևանքով առաջացել են 352413 ՀՀ դրամի չափով պակաս հաշվարկված մաքսային վճարներ, այսինքն՝ Ն. Սարգսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 03.02.2021թ «Ապրանքի ոչ ճիշտ դասակարգում հայտնաբերելու դեպքում ապրանքի թիվ 0004-Ա ստուգման ակտով, վերոթվարկյալ ապրանքների հայտարարագրերով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Նարեկ Սպարտակի Սարգսյանին (նույնականացման քարտի համար՝ 008292229) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների հիսուն տոկոսի չափով՝ 176206 ՀՀ դրամ: /900005024055 (կող-19) հաշվեհամարին

2. Որոշման մասին հայտնել Ն. Սարգսյանին՝ պարզաբանելով, որ ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և

դատարարության հիմունքների և վարչական վարույթի մասին ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



ԱՐՄԱՆ ՄՆԱՅԱԿԱՆՅԱՆ